



rilo & penadique

narración oral e música

CATÁLOGO 2021



R&P

a compañía

No 2017 xuntáronse o amor pola literatura e a palabra dita co amor pola música e o universo da infancia, e nace de parto natural Rilo&Penadique.

Elas narran, cantan e musican contos escoitados nalgún lugar ou escritos nalgún libro, nacidos dende o ser. Fusionan o mundo da infancia coa palabra e a música dando lugar a espectáculos de narración oral para bebés, rapazada e público familiar.

Sonsoles Penadique leva a parte musical.
Vero Rilo a narración oral.

Presentáronse na escena galega co espectáculo-obrairo para bebés e familias *ARRE RU*, e pouco despois afianzáronse como dúo coa proposta para público familiar *O pozo das señorás*.

Pouco despois saíron de Galiza para explorar novos mundos. Ata a data acumulan novos títulos: *A formiga no carreiro*, *Barrococó*, *Derriba da lúa*, *Historias con susto para durmir a gusto...*

Recentemente deron o salto ao público adulto co espectáculo *Arrolando as Froese* seguen xirando con Lavandeiras.

Aquí podedes seguir lendo sobre elas.



R&P

vero rilo

É narradora oral e educadora.

Comezou a súa andaina formativa nos servizos á comunidade e titulouse como **técnica superior en Integración Social**, más tarde en **Educación Infantil**. Combinou estudos iniciais en **lingua de signos** a titulación de monitora de Tempo Libre. Fixo un pequeno percorrido polas facultades galegas para interesarse pola Audición e Linguaxe e a Educación Física. Foi traballadora dende o ano 2010 na **Rede de Escolas Infantís de Galicia-Galescolas** e decide, despois de tres anos, marchar do proxecto para mergullarse no mundo da narración.

No 2013 emprende da man do seu amigo, camarada e acordeonista Santi Prieto, o seu proxecto conxunto de narración e música para público familiar e crea a compañía **Daboapipa** e dáse a coñecer na escena galega. No 2015 toma a remuda musical Carlos Quintá.

Do 2015 ao 2018 traballa na **Rede de Escolas de Ensino en Galego Semente**. Combinando do 2010 ata o 2018 o traballo como educadora e narradora.

Fórmase con importantes referentes da **narración oral** galega e internacional como Charo Pita, Tim Bowly, Quico Cadaval, Pepito Mateo, Nono Granero, Paula Carballera, Rodorín ou Soledad Felloza e asiste ás escolas de verán **AEDA** nos anos 2015, 2017, 2018 e 2019.

Cursa dous anos de **formación actoral** con Carlos Neira no centro EspazoAberto en Santiago de Compostela e realiza **formación regular en improvisación teatral** cos mestres Antón Coucheiro e Alfonso Lupo. Recibe clases de **técnica vocal** con Pablo García Ferradás e Cristina Domínguez da Pena.

Dende o 2018 investiga os límites e puntos de (des)encontro do contar e cantar coa vocalista Faia Díaz (De Vacas, Coro Encaixe) en **Apatacón**.

No 2019 enrédase en **Divas de Diván** coas narradoras Ángeles Goás e Carmen Conde Gaute nunha sesión compartida de contos eróticos.

Dende o 2019 xira con **Pallasos en Rebeldía**, coa obra teatral *O valo*, de Carlos Labraña e dirixida por Iván Prado.

Dende 2013 pasa por diferentes escenarios e festivais como narradora e por un feixe de concellos e programacións dentro das redes AGADIC, Cultura no Camiño, Programa Apego, Ler conta moito... e fóra do país en Cuba, Portugal, Euskadi...


A lo largo deste tempo traballa tamén coa USC, o CFR Coruña, o CFR Ferrol e Semente Compostela deseñando e impartindo **obradoiros para docentes** sobre a narración e a práctica educativa.

Forma parte do **Colectivo de Narración Oral Galega NOGA**, e organiza os encontros de profesionais nos anos 2018 e 2019.

E é a metade da compañía de narración oral e música **Rilo&Penadique!**



sonsoles penadique



Moi vencellada, dende cativa, á música tradicional como **bailadora, cantareira e gaiteira**; é **Licenciada en Historia da Arte** na especialidade de **Historia da Música** pola Universidade de Santiago de Compostela e **Diplomada en Educación Musical** pola Universidade de Vigo.

Así mesmo realizou estudos de **linguaxe musical, técnica vogal e coro** con Ramón Bermejo e harmonía moderna con Suso Atanes na **Escola Estudio** de Santiago de Compostela.

Obtivo o título do **I Posgrao de Música Tradicional Galega** organizado pola USC.

Asistiu a aulas con relevantes músicos e bailadores do panorama tradicional galego como Ricardo Portela, Fernando Martínez, Serxio Cobos, Iván Costa, Pablo Carpintero, Chuco Estévez....

Adem estudou **acordeón diatónico, harmonía e música folque** con Carlos Quintá e Pedro Pascual na **Escola Livre da Central Folque**.

Completo a súa formación como **cantante no Seminario Permanente de Jazz de Pontevedra** con Paco Charlín e Abe Rábade.

Entre 2007 e 2008 exerce de **profesora ensino secundario** para a consellería de Educación. Entre 2008 e 2010 traballa como **Técnica en dinamización cultural** na Asociación de Gaiteiros Galegos. No 2009 e 2010 experimenta coa **musicoterapia** na Cruz Vermella e na asociación para enfermos mentais DOA. No 2011 e 2012 traballa como **Técnica en Biblioteconomía e Arquivística Musical** no arquivo da Asociación Cultural Banda De Música Belas Artes de Cangas.

No eido da pedagogía exerce o seu labor como **profesora de acordeón diatónico e iniciación á música e o folclore** na A.C. Trépia e outras entidades.

No campo da interpretación musical liderou como cantante **Azul de Bueu**, proxecto de fusión de música tradicional e jazz xunto con Virxilio da Silva (baixo e guitarras), Wilfried Wilde (guitarra), Xosé Miguélez (saxo tenor) e Iago Fernández (batería).

Foi a acordeonista e cantante no dúo de música folque **Xonxas**, con Lola García ao clarinete e Gema Pérez.

Tamén realizou o trabalho de musicalización xunto con Carlos Fandiño na obra da compañía de títeres **A xanela do maxín, As aventuras de Gale**.

Actualmente mantén activo o proxecto **Oradaladou**, con Carlos Quintá ao violín e ás voces con quen realizou un traballo discográfico no 2019 que acompaña a reedición da Editorial Galaxiada obra de Antonio Fraguas *Cantigueiro de Cotobade*.

E é a metade da compañía de narración oral e música **Rilo&Penadique!**

os espectáculos

bebés
0-3

ARRE RU

DERRIBA DA LÚA

infantil
3-6

A FORMIGA NO
CARREIRO

OUTRA VEZ!

familiar

O POZO DAS SEÑORAS


ASDOMARE

adultas
+16

LAVANDEIRAS
ARROLANDO AS
FRORES

BEBÉS 0-3 años

Luces, timbres, ritmos...
Música e palabra fusionadas para
crear espectáculos que esperten e
estimulen os quereres en idades
temperás.



ARRE RU

ARRE RU é unha palabra que vive na boca, non quere dicir nada, pero o A abre o asombro, o RRE a repetición, e o RU a delicadeza...

As palabras acompañanse da musicalidade da voz, dos ollos, dos xestos, do tacto... os bebés tempéranse mellor con estes apoios.

Rilo&Penadique poñemos, ao pé da voz, o son dun acordeón diatónico, a voz multiplicada e asombrosa. Somos bebés, somos adultas, somos persoas da man doutras persoas, a linguaxe en singular non existe, primeiro apréndese en familia, a narración oral é a flor da vida en compañía para afrontar a onda.

Isto é un espectáculo-obraioiro para medrar en familia.

Foi estreado no Festival NUBEBES de Pontevedra en 2017 e continuamos xirando!

ARRE RU

un obradoiro-espectáculo para familias e
bebés

DERRIBA DA LÚA

"Antes do principio do todo había a nada.
Despois chegou o vento que moveu a nada.

Co movemento saltaron tres chispas:
A primeira apagouse e naceu a Lúa
A segunda quedou acesa e naceu o Sol
A terceira comezou a xirar e naceu a Terra

Na terra hai un carballo
No carballo hai un niño
No niño hai unha merla
que choca tres ovos..."

DERRIBA DA LÚA é un espectáculo-obra doiro de narración oral e música, de recente creación, para familias con nenos de 0 a 3 anos.

Queremos arrolar, contar, cantar e xogar xuntas para soñar e medrar libres coma paxaros, de candeloria a candeloria.

derriba da lúa

un obradoiro-espactáculo para familias e bebés

Rilo&Penadique



INFANTIL

3-6 anos

Contos e músicas atemporais con temas que enganchan na primeira infancia: animais, acción e melodías alegremente pegañentas.



A FORMIGA NO CARREIRO



A FORMIGA NO CARREIRO

Unha viaxe polas terras da Galiza, Portugal e do Brasil para contar, cantar, bailar e brincar cos contos da tradición oral e a música.

A partir das cancións do libro de Zeca Afonso para crianças (editado polas Escolas de Ensino en Galego Semente) e unha selección de contos populares queremos festexar e reivindicar a universalidade e potencialidade da nosa lingua.

Reserva o teu billete!
Estades preparadas?

Polo mar abaixo
vai unha formiga
cunha man na testa
e outra na barriga...

rilo&penadique

NARRACIÓN ORAL E MÚSICA



OUTRA VEZ!

Que pasa cando un espectáculo sae do catálogo?
Onde acaban todas eses contos e músicas?
E se non podemos separarnos delas?

Rilo&Penadique queremos seguir contando, cantando e bailando o que más nos gusta e é por iso que decidimos fazer unha selección das pequenas alegrias que colleitamos todos estes anos.

Un espectáculo de espectáculos.
Unha escolla de aquí e de alá.
Contalo e cantalo “outra vez”,
sen parar.

FAMILIAR

Contos, poesía musicada, ambientes e
accións que, dende as formas orais,
literarias e musicais tradicionais, fan
soñar, vivir e reflexionar a toda a
familia sobre temas moi presentes na
actualidade coma o xénero, as
relacións interpersoais, economía...





O POZO DAS SEÑORAS

NARRACION ORAL E MUSICA PARA PUBLICO FAMILIAR

RIOOPENADIQUE
NARRACION ORAL E MUSICA


O POZO DAS SEÑORAS

É un feixe de historias de recollida, tradicionais e de autor xunto con coplas tradicionais, romances e composicións propias.

Con esta proposta queremos achegarnos ás mulleres do noso imaxinario, da nosa vida: lavandeiras da noite, lavandeiras de oficio e de sacrificio, pieiras que coidan dos lobos e bruxas cos dentes de ferro...

Cun marcado compoñente de xénero este espectáculo leva rodando dende 2017 por teatros, auditorios, casas da cultura, lavadoiros, fontes de todo o país.

E grazas a vós non paramos de recoller alegrías!



ASDOMARE

Este espectáculo acaba de saír da fábrica en pleno confinamento e quere darlle continuidade a *O Pozo das Señoras*.

ASDOMARE son as mulleres do mar,
ou o mar de mulleres.
É a senda dos faros
que alumean A Maruxaina,
A pedra do cu da raíña,
Os cantos das conserveiras...

Todo o que o mar quita,
todo o que o mar deixa

ADULTAS

Historias de vida, melodías e
harmonías, todas con alma, todas
con vida; algunas con humor,
outras con algo de drama pero
todas para compartir o noso paso
pola existencia.

O pasado, o presente e o futuro.
Todas as cousas que lles
preocupan a elas, a nós.

LAVANDEIRAS

As mulleres á beira do río, de xeonllos, fregando a roupa tecen unha estampa que se repetiu ao longo da nosa historia.


Ao seu redor, as lendas e as historias sucédense por toda a nosa xeografía, tanto física como identitaria.

Recollemos parte dese patrimonio oral, dende as lavandeiras nocturnas enchoupadás en sangue até o traballo colectivo das lavandeiras de Redondela, na Illa de San Simón cando a guerra.

Tamén contamos de Manuela Lores, e cantamos as fontes, os ríos.

Poñemos os pés a remollo cada día...

Se estás pensando nese lavadoiro, non dubides en chamar.



RILO&PENADIQUE

LAVANDEIRAS

NARRACIÓN ORAL PARA PÚBLICO ADULTO

ARROLANDO AS FRORES


"Cando lle preguntaron na escola cantos irmáns eran
ela dixo que cinco irmáns, dous alborotos e un
xeranio"

O resto da historia soubémola despois pola súa
sobriña.

Arrolando as frores é a nova sesión de narración oral e
música para público adulto que parimos.

Nela falaremos do aborto, contaremos a Marica
Campo, revisaremos os contos colorados,
namorarémonos das flores e transplantaremos a
alegría.

Amor, dor, humor, música e mulleres das nosas vidas.



días especiais e en liña

DÍAS
ESPECIAIS

CALDO DE GLORIA

HISTORIAS CON SUSTO
PARA DURMIR A GUSTO

FARTURA DE NADAL

EN LIÑA

ADAPTAMOS O CATÁLOGO
2021
Á SITUACIÓN
COVID-19
PARA CANDO SEXA
PRECISO


R&P

DÍAS ESPECIAIS

DÍA DE ROSALÍA, SAMAÍN, NADAL

Se queredes celebralos, estas son
as nosas propostas

Non dubidedes en poñervos en
contacto para que cada día conte!



CALDO DE GLORIA

Nace coa casa, coas historias da lareira, co andar das vidas...
Un paseo da man das letras de Rosalía... cara a onde nos levan, que contos e músicas nos lembran?
E haberemos cantar, colleremos a xustiza pola man e faremos con todo un caldo, que agardemos saiba a gloria.
Xuntas celebrando a poeta!
E si, levamos caldo para repartir!

HISTORIAS CON SUSTO PARA DURMIR A GUSTO

Especial Samaín para vivir en familia, na intimidade dun contorno natural e nocturno, no que preparamos o ambiente para ofrecer a nosa mirada sobre as historias de sempre, desas de antes de ir durmir... A que ten cu, ten medo compañeiras! Pero... sempre hai alguén para collernos da man!

FARTURA DE NADAL

Non hai nada más parecido ao Nadal que reunirse a escutar contos, quererse, comer e fartarse de historias e música! Este é un especial para cantar o aguinaldo, agardar estas datas cun feixe de contos e non preocuparse pola sal de froitas!

Tedes fame?

24 DE FEBREIRO_DÍA DE ROSALÍA
CALDO DE GLORIA

1 DE NOVEMBRO_SAMAÍN
HISTORIAS CON SUSTO PARA DURMIR A GUSTO

25 DE DECEMBRO_NADAL
FARTURA DE NADAL



R&P

EN LIÑA restriccións Covid-19

CONTOS POR TELÉFONO

Se a situación non deixa facer os espectáculos presenciais, Rilo&Penadique adaptamos as nosas propostas para poder chegar ás vosas casas.

Consúltanos!



OBSERVAMOS

Que durante esta pandemia e ante a imposibilidade do contacto tradicional entre artistas e público, Internet cargouse de contidos de todo tipo que poden resultar excesivos e moi afastados da verdadeira experiencia escénica.

OFRECEMOS

Adaptar os espectáculos a formatos en liña con sesións reducidas de videochamadas. Poder mirarnos nestes tempos é esencial. Tamén potenciamos o compromiso do público, que reserva o seu tempo para seguir asistindo ás programacións: un día a unha hora...

INSPIRÁMONOS

Nos *Contos ao teléfono* de Gianni Rodari.

Aínda conscientes de que nada pode substituír á experiencia escénica, queremos dar un paso máis cara á humanización da comunicación virtual empregando un medio do que a meirande parte das familias dispoñen: un dispositivo móvil con conexión a Internet E nós... videochamamos!

CONTOS POR TELÉFONO


Unha idea de Rilo&Penadique para a cultura en tempos da COVID-19

Tedes outra proposta? Falamos!

R&P

GALERIA





















CHUSMA

<https://www.facebook.com/riloopenadique>



SIGUE CHUSMANDO

rilo&penadique narración oral e música



ESCRIBE

riloopenadique@gmail.com



CHAMA

650031784

649870585

DISTRIBUCIÓN



981 582 836
info@culturactiva.org
www.culturactiva.org

R&P

CATÁLOGO 2021

